

Vortrede.

Man auch zusagen pflegt) Deus & natura nisi impedias-
tur natura, ut est videre in monstris, nihil faciunt fru-
stra. Gott vnd die Natur thun nichts vergebens) nicht
gnugsam außzugründen/ so hat doch nichts weniger
Gott der Allmächtige viel hohe/ vnd vortrefliche Leute
erwecket/ denen billich danck zusagen/ die keine Arbeit
noch kosten gespart/ sondern durch weite vnd gefährliche
Reisen viel Künste/ Geheimnisse vnd Wunder der Na-
tur erforschet/ erlanget/ vnd auff vns als ire Nachko-
men in Schrifften hinder sich verlassen/ daß man bis-
weilen vber Vermutung wunderbare Possen/ auch gros-
se vnaussprechliche Wunder verrichten kan.

Man neme nur die statica experimenta zur hand/ da
wird man viel seltsame Küstung vnd Werkzeuge finde
damit man vber Vermuthung grosse vnmögliche Ding
kan außrichten/ wie Archimedes * der Kunstreiche ge-
than/ denn er hat ein Schiff/ welches am Ufer des Mee-
res gebawet/ vnd von vielen nicht hat können ins Was-
ser gebracht werden/ gar alleine mit seinem zeuge Tri-
palto hinein gezogen/ daß sich jederman/ der es geschē/
vnd gehöret/ darüber verwundert/ vnd auch der König
Hiero * außruffen lassen/ daß man dem Archimedi als
les/ was er sagen würde/ glauben solte.

In dieser Kunst stack auch das perpetuum, das ist die
ewige bewegung/ so fort vnd fort gehet/ vnd nimmer still
stehet/ von sich selber/ darff nit außzogen werden/ wie